



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : HO FUNG COLLEGE (SPONSORED BY SIK SIK YUEN)

學校名稱 : 可風中學 (喬色園主辦)

Name of Play 劇名 : 重新出發

Script writer 劇作者 : 可風中學戲劇組 (學生)

Synopsis 故事大綱 :

還記得，小時候的我們，都十分渴望長大。

但漸漸，面對著無間斷的人生競賽，我們開始感到疲憊，繼而卻步。

數名學生，處身於殘酷的社會制度，無人得知如何自處。

該繼續踏上荊途，抑或回到起點，重新出發？

該奮力抵抗，還是讓步妥協？

曾經，他們對人生充滿盼望。

現在，他們對世界感到失望。

未來，卻是否只會剩下絕望？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Scene 1

V O 各位，截至 6 月 30 日為止，因多年前突然出現嘅社會貢獻監管制度分數不足而身亡嘅 18 至 20 歲人士達 623 名，而 25 至 30 歲人士則有 421 位市民身亡。根據統計處資料顯示，本年度目標分數升幅為百分之五，較上年度的百分之三為高，政府呼籲各年齡層人士提高警覺。下一則新聞，教育局局長對於本年度…

輝哥 喂你又無啦啦係度彈咩結他呀，嘈住晒。

Peter 你理得我啫，你都係度打機咋嘛。

Andy (入台)阿輝，唔好再打機啦，呢度全部人最大係你呀，你唔驚嘅咩。

輝哥 橫死掂死緊係玩埋先死啦。

豪仔 溫咩書丫，要拎分，我地就要做啲對世界有意義嘅事。

輝哥 望到隻野都唔開胃，拎分，講經咩？點丫？去執垃圾呀？

Vivian 咁 easy 咩？

豪仔 係囉，我都想知呀。

阿均 喂，成個暑假影都無，一次都無跟過我地出去玩，點呀，返暑期工返成點呀？

Andy 都有加下啲分嘅…不過都係好少咋。

Vivian **Let me see?** 都唔係丫，3378 (英文讀)，喂你多過我地加埋啫。

Andy 但係仲差好遠呀。我得返半年多啲就 18 歲喇。

輝哥 喂大佬想點呀，十幾歲仔做到啲咩呀，計我話嗰個都唔知咩制度黎，亂咁黎，都竊線嘅

阿均 阿輝你坐低先，我啱啱睇到你個分，點解低左咁多嘅，又貼晒紗布咁，你搞咩黎？

豪仔 唉，睇佢個款肯定又同人開片黎啦。

Andy (語重心長) 阿輝呀，你又唔係未見過嗰啲人架，一唔夠分命都無架，遺言都無句呀，你唔好咁啦…

輝哥 (狡辯) 咩…咩者，個班咁既垃圾大學生恃住自己高分啲英文好啲就係度恰細佬，細佬野都搶呀…我咪打佢地一身，教精佢地第時唔好以為自己可以打橫行囉，呢啲先叫對社會有貢獻丫，唔加我分不特只，仲減我。

Vivian **You so** 偉大，最多你第時有疤我送盒遮暇膏比你喇。

阿均 送把劍比你，下次桶死佢。

豪仔 你快啲做番啲有用嘅事幫補下啦。

輝哥 咁易就唔會死咁多人啦，佢年年計架，是但啦，做幾多好事咪又係加得啲雞碎咁多分，死咪死囉 未驚過啫。

Andy 唉，如果我地聰明啲，讀書好啲，就唔洗搞到而家咁啦，點算好呀。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Vivian you ask me I ask who ah，喂點算呀音樂家？

Peter 音咩樂家丫…做音樂家有鬼用，咪又係咁低分，你話我係醫生律師就唔洗愁啫。

(老師入場)

(歡呼) (起哄) (吹口哨) (返晒埋位)

豪仔 喂 miss leung miss leung，過左個暑假，又正左喎！識左男朋友仔呀？

Vivian Miss Leung，點解你仲要留係度 teach 我地嘅，出面 outside 啲啲 people 個個都話我地好 rubbish，你教佢地加多 d 分喎，你都應該知架？

豪仔 你教左我地咁多年都頂得順我地，係勁嘅。

老師 大家靜一靜，無謂說話我就唔多講啦。對左大家咁多年，我仍然深信無人係教唔到嘅，只要你地肯比個心出黎學，我應承你地，我一定會一直陪住你地，同大家一齊努力。我地今年都一齊努力，好唔好？

豪仔、 嘩 missy 話同我地一齊喎，梗係好架。(嘩好 warm 喎)

阿均

輝哥 (超大聲) 好！(其他人低下頭無反應) 好！梗係好啦，難得 missy 咁耐都唔放棄我地，你地話係咪先？(依然無反應) 你地咪咁啦，我係最低分個個都未好似你地咁灰啦，我地仲有幾個月先夠 18 歲呀嘛，仲有得追嘅。

豪仔 唉，輝哥，你唔好再俾啲假嘅希望我地丫。18 歲完又點丫，每年都要再高架，捱得一年都未必去都下一年呀唉。

Peter 我就唔理個 d 咁嘅分喇，music is my life，無得玩音樂寧願死左佢好過啦。

Vivian model is my life，你地學下我啦，我呢就諗住 graduate 之後呢，就出黎做 model 拍寫真，到時做左萬人迷，請你地做經理人又點話丫。

阿均 拍寫真，你做揸機個個呀？

老師 拿拿拿，唔好嘈住，聽我講先。雖然呢，我都知道，大家嘅分數都有少少低，但係大家又唔洗咁心灰意冷住嘅，只要大家依家比心機讀書，無論最後結果係點，老師都會以你地為榮。

Vivian 我地唔比人扣都偷笑 la。

阿均 嘩 missy 你自己高分就梗係咁講啦，你咁講係咪即係話我地最後死左都無所謂先。

輝哥 收聲！無禮貌。咁樣同 missy 講野嘅咩。

Peter missy 都係有啲句講個句啫

老師 梗係唔係啦，你地互相扶持左咁耐，一個都不能少。

老師 好啦好啦，正式上堂啦。坐翻低晒先，我地今日就想探討下一啲中國人嘅傳統文化，孟子講過，中國人最著重仁義禮智，捨生取義嘅精神，大家又知唔知其實係講啲咩嘅呢？

Vivian missy，sorry ah，可能我外國妹性格啦，真係唔識呢啲丫。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- 阿均 我答我答，捨身，係咪啫係話啲人拋個身出黎，換番啲酬勞咁丫。
- 老師 阿輝，唔好又亂講野。
- 老師 你地呢？
- 豪仔 寫生，定寫真呀？
- 老師 拿捨生呢，即係話捨去，付出自己嘅生命，取義，亦即係去達到一啲有道義嘅事，咁就為之捨生取義啦。
- 豪仔 **Missy Missy** 咁輝哥見到有細路比人恰幫人出頭，結果比人打到豬頭咁，咁係咪叫捨生取義呀。
- 老師 如果真係咁，雖然就未去到咁高層次，不過都叫做行俠仗義嘅，不過始終，撩人打架都係唔啱，阿輝你以後唔好再係咁啦。
- 阿均 **Miss** 聽我講先，佢連自己就嚟死都唔知，仲要成日撩人打架，依家仲要瞓到成隻死豬咁真係可憐。
- 老師 咁呀…阿輝呢？阿輝？（阿輝熟睡中）
- （學們打眼色）（扮起立）
- 眾同學 **Good bye Miss Leung**。
- 輝哥 （訓醒）**Good bye Miss Leung**。
- （全班哄堂大笑）
- 輝哥 你地好野，知唔知呢個咩黎呀？真係打得少呀。（指住自己拳頭）
- 老師 阿輝，我知你可能好劫，不如你去洗個面先呀。你地都唔好整蠱同學下。
- 輝哥 唔洗啦，而家乜都醒晒啦！（望錶）洗唔洗咁呀，咁又扣我 5 分，你好野。（指天）
- 其他同學 （望錶）喂我地都無左 3 分丫。
- Vivian** **Ridiculous**。
- 阿均 咪係，我地企起身講兩句又叫對社會無貢獻呀，講個笑都唔得不如唔好等 18 歲啦，而家就捉晒我地去啦，都癡線架。
- Peter** 你地做咩事呀。好彩我啱啱無份玩啫。你地都預左架啦又唔係第一次，佢覺得你浪費時間咪扣你囉。我地邊有資格去拗丫。
- 老師 喇，其他同學都係呀。（語重心長）我知道，大家就黎 18 歲，仲有幾個月就要第一次開始面對篩選，而且仲要係無了期嘅篩選，依家一定好大壓力。我作為你地嘅老師，陪左你地咁耐，真係唔想睇住你地一個一個咁離開，所以唔好再講埋晒啲晦氣說話啦知唔知，都係嗰句，我地班，一個都不能少！
- Vivian** **Missy**，對唔住呀。
- 阿均 我地會生性架啦。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

輝哥 講真呀，由細到大，以前嗰啲老師只會一味鬧我地睇死我地，係你先咁有耐性喺度教我地仲要喺度哄我地添，有你做我地老師，依家即刻死左都抵呀。

豪仔 missy，得啦，咁多年，呢啲野心照。

（打鐘）

老師 好啦，今日講到呢度先，各位同學再見。

眾同學 Miss Leung 再見（離台）

Scene 2

老師 你…

黑 你見到我？

老師 我緊係見到你。你係邊個呀，點解佢地見唔到你。

黑 既然你終於見到我，咁係咪即係表示我嘅任務都就呢完喇？

老師 我同你講緊野呀…點解，點解有晒佢地 d 樣係度嘅？

黑 啱啱先扣完佢地分。

老師 你就係嗰個制度？

黑 唔可以話係嘅，我只係佢嘅執行者，不過，你都幾醒嗎。

老師 點解你要咁做呀，你見唔見到佢地幾辛苦呀。成個社會個個都擔驚受怕呀。

黑 睇你點睇啦，我只不過幫你地，維持返個社會嘅平衡啫，有用，咪留低，無用，咪 out。

黑 我地嘅宗旨，好簡單，等價交換。佢地浪費左幾多時間，你知架。不過都唔緊要嘅，玩完，咪開鋪新囉，再玩過，好多人都係咁架啦。

老師 係，佢地係浪費左好多時間，但佢地有改變架，你都見到，Andy 已經好俾心機架啦。

黑 我重視嘅，係結果呀。係我眼中，佢地全部都一樣。呢個制度唔公平咩？有貢獻，咪想做咩都得囉。唔得嘅，至少唔好成為社會嘅負累，幫佢地一把囉。都幾好丫。

黑 問心嗰句呀，乜你真係覺得佢地可以幫到個世界咩，貢獻到咩？慢慢諗下啦你（離台）

老師 咩野貢獻呀，有無貢獻真係咁重要咩？喂！喂！

Scene 3



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

- 老師 喂做咩自己一個坐係度丫，就快就 18 歲啦喎，呢幾個月都見你都好努力，依家咁落去，你今年應該唔洗擔心丫。
- Andy (失神) Missy? 我有野呀。
- 老師 咁大口氣! ? 今年無事咋，都要繼續努力，出年目標分數會再高 d 架啦，唔好學埋晒阿均佢地啲野。
- Andy 好似佢地咁幾好丫，日日無憂無慮，我都不知幾想好似佢地咁呀。
- 老師 唉，至弊佢地視分數為無物呢，我真係好擔心佢地幾個，淨翻幾個月咋，都唔知點算。
- Andy 算啦其實我哋全部明明都已經好努力，但係我哋根本就唔係讀書嘅材料，點解係都要逼我地啫，啲分好似永遠都唔夠咁，但係就跟住我哋成世。
- 老師 你唔好咁諗啦，無錯，你地讀書係唔叻，但係其實呢咁多年同你地相處左之後，都見到你地有唔同嘅長處，就好似阿輝咁丫，你咪睇佢成日係度講埋晒啲打打殺殺咁呀，朋友一有事，佢第一個衝出黎幫手呀。
- Andy 我梗係知啦，不過有用咩，佢暑假明明就係去幫人先同人打架，到最後係就係好似好公平咁一齊俾人扣，但嗰個人啲分多到買起晒我地都仲得丫。貢獻社會，呢啲就叫貢獻社會咩？
- (Dead)
- Andy Sorry Missy，我…激動左少少。
- 老師 哦…無，我一時之間唔識答你啫。係囉，點為之貢獻社會呢…我都唔知。
- Andy 唔緊要啦。Missy 呀，你唔好嘅時間係我地身上啦……不如…你都係由我地算啦！
- 老師 唔得！咁叫就咁算啊，你仲記唔記得我成日都同你地講，你地一個都不能少。講真呀，我已經當左你地係我生命一部分。所以，你千祈唔可以放棄呀知唔知，我要見住你地全部一個一個開開心心咁成長，唔洗再擔驚受怕。
- Andy 唔洗再擔驚受怕! ? 除非個制度突然之間無左啦。不過唔緊要啦，反正我都打定輸數。可能，唔好做社會嘅負累，就係我哋呢班人，唯一嘅用途。
- 老師 你講咩呀。浩傑你發生咩事呀，唔好亂講野啦。你努力左咁耐，你甘心咩。
- Andy 我唔甘心啊，我只係認清左事實啫，一生出來就已經要戴住隻野…玩下講下笑都唔敢，日日就係度逼住做 d 唔鍾意嘅野。我都唔知我係為左佢，定為左自己而生活。
- 老師 (細聲) 我明，我明，我都好想知道，究竟點解會咁。
- Andy 不過唔緊要，就係好似 missy 話齋咁，重新出發，或者，下次，下次嘅我，可能係一個天才哩，又或者，我會去左一個無咁多掣肘嘅世界哩，再唔係，可以重新做多次小朋友，無憂無慮咁過日子，都唔錯丫。
- 老師 你唔好咁衝動呀浩傑。我講嘅重新出發，唔係咁嘅意思呀！
- Andy 唔關你事架 missy。講真呀，我真係唔想再望住隻錶做人呀，我好劫呀，我想抖下丫。你就當我自私一次，俾我任性埋呢最後一次啦。
- 老師 傑仔，唔好咁呀…
- Andy 大個先知道，原來一個人只係想開開心心咁過生活都係一個錯。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

老師 傑仔，唔好咁呀…

Andy Miss Leung，咁多年來，多謝你嘅照顧，你係我哋最好嘅老師我哋最信任嘅人，睇住阿輝同阿均佢哋呀，保重啦。

老師 浩傑，唔好呀！！！！

Scene 4

(VO)

阿均 下！入左醫院唔係呀嘛，係咪被人打傷呀？洗唔洗我即刻 call 齊人馬黎打鑊金嘅佢地？

豪仔 吓，唔係呀嘛，好呀好呀，我地而家即刻趕過黎。

Vivian 咁佢而家點呀，有無生命危險呀。

Peter 咩事呀佢，佢尋日明明仲有返學架。

阿均 下…跳樓，你講笑咋話，係咪真架。

輝哥 係真唔係呀，咁大鑊!? 喂你唔好拎呢 d 野黎玩啫。

豪仔 唔怪之得啦，呢幾人見佢自己柄埋一邊。

Peter 唔淨只柄埋一邊呀，佢仲勁頹呀。

Vivian 你咁講，又好似係啫，點解我地都無發現到架。

阿均 快 d 同 Missy 講啦。

Vivian 點解你有事唔同我地講呀!

阿均 你唔係話想我教你點扭嘅咩，你快 d 醒啦，你想扭咩我都教你。

Vivian 我曬左我地 d 相出黎呀，我地好掛住你呀，你唔好 dum 低我地呀。

阿豪 呢幾日課室無左你我地好唔慣呀，missy 又無返學，都唔知咩事，你快 d 起身，等我唱歌比你聽呀。

Vivian 佢先唔想聽你唱呀，可。

輝哥 喂懦夫，你好快 d 起身啦啫。之前又話同我大戰 300 回合，你再唔醒，我當你認輸架啦。

Peter 雖然 Missy 呢幾日都無返學，但係我好俾心機上堂架，幫你抄好晒 d 筆記，等你起身之後，我教翻你。

Peter 丫係呀，我地練左隻歌比你聽呀，你最鍾意嗰隻呀。

全部 如若全世界一天一點變壞 猶幸還有你一貫爛漫姿態 而你赤裸裸脫俗如像小孩 想笑就笑要嗌就嗌。

黑 你唔出去見下佢地？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

老師 我仲邊有面出去見佢地，我眼白白望住佢跳落黎架，係我阻止唔到佢佢先會跳落去架

黑 咁，呢個係佢選擇呢啫，或者，重新開始對佢呢講真係好 d 哩。

老師 重新開始!？ 你知唔知佢為左你呢啲分數，佢捱左幾耐呀，如果唔係因為你，佢會咁咩？

老師 佢地無錯，係有好多缺點，又爛玩、把口又衰、又讀唔成書，但你會發覺到，一有起事上黎，永遠，佢地都一定會義無反顧咁去幫大家。

黑 但係你睇下，都無用，結果都係無變丫。

老師 唔係樣樣野都淨係睇結果，睇表面架，拎開你個面罩，好好感受下每一個人嘅內心，你會發現，所有野都唔同晒…

黑 …(頭 dup dup)

老師 你唔覺得你個所謂制度好荒謬嘅咩，點解一唔夠分就要死呀，你有咩資格去判斷一個人有無貢獻呀！你答我呀！

黑 (猶疑)我…我咪講過…等價交換呀嘛

老師 等價交換(冷笑)你睇下佢地，佢地為左浩傑，放低晒 d 野，個個留低係度陪佢。無錯，可能真係好似你所講咁，都係唔會有咩改變，但係，至少佢地會盡佢地嘅力，即使機會幾渺茫都好。

黑 …

老師 你，係咪講過，任何事都可以等價交換呀？

老師 我，要翻浩傑。

黑 你唔係想…

老師 我已經決定左啦。望住佢地，你唔覺得呢個世界好美好，好純潔嘅咩？我可以教佢地嘅，都教晒啦，淨低落黎，都應該交託俾佢地。

黑 值得咩？你真係唔會後悔？

(BO)

老師 唔會

Scene 5

(形體) 交換生命



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Scene 6

黑 或者，你一開始見到我，係有佢既原因架。你講得無錯，你比起我，更加明白咩叫做貢獻。可能真係唔係所有事，都可以用分數黎決定。佢地嘅未來，就由佢地自己決定啦。

Scene 7

Andy 你好，我係今年你地嘅新老師呀。由細到大，我地，或多或少，都會做過一啲傻事。有啲可能好易解決，但係，有啲就好難彌補，不過唔知點解，我地永遠最後都會渡過到難關。靠嘅，永遠並唔係單單自己嘅力量，係身邊嘅人一點一滴嘅支持。貢獻係咩，老實講，我都唔知，我淨係知道，每個人都係獨一無二，只要盡自己能力做好每一件事，可以令身邊嘅人開心，咪已經係最大嘅貢獻囉，唔係咩？

全劇完